



Post relationem exc.mi P. D. Aemilii Ioseph De Smedt, ep. Brugensis, circa schema *de libertate religiosa*, secretarius generalis legit nomina eorum, qui loqui postulaverant circa schema voti *de matrimonii sacramento* et communicavit exitum suffragationis praeliminaris circa schema *de educatione christiana*: praesentes votantes 1879, *placet* 1457, *non placet* 419, *placet iuxta modum* (votum nullum) 1, vota nulla 2.

Dein subsecretarius exc.mus P. D. Ioannes Villot, arch. tit. Bospo-  
ranus, coad. c. i. s. Lugdunensis, legit textum primae suffragationis  
super schema *de educatione christiana*.

Em.mus P. D. card. Benedictus Aloisi Masella, praeses commis-  
sionis, introduxit disceptationem quoad schema *de matrimonii sacra-  
mento*.

Subsecretarius exc.mus P. D. Ioannes Villot monuit de audientia  
Summi Pontificis pro episcopis et indixit secundam suffragationem  
super schema *de educatione christiana*.

Exc.mus P. D. Ioseph Schneider, arch. Bambergensis, legit rela-  
tionem circa schema *de matrimonii sacramento* et subsecretarius exc.mus  
P. D. Ioannes Villot indixit suffragationes tertiam et quartam super  
schema *de educatione christiana*.

Post orationem em.mi P. D. card. Normanni Gilroy, arch. Syd-  
neyensis, circa schema *de matrimonii sacramento*, idem subsecretarius  
communicavit exitum primae suffragationis *de educatione christiana*:  
praesentes votantes 1891, *placet* 1592, *non placet* 157, *placet iuxta  
modum* 140, vota nulla 2.

Intimata proxima congregatione generali sequenti die, hora nona,  
habenda, repositus est S. Evangelii codex et em.mus P. D. card. Euge-  
nius Tisserant preces *Agimus... Angelus* recitavit. Congregatio finita  
est hora 12,44.

## CXXVII

Congregatio generalis centesima vicesima septima habita est die 20  
novembris 1964, feria VI, hora nona ante meridiem. Interfuerunt  
2140 Patres, nempe 56 cardinales, 6 patriarchae, 13 primates, 350  
archiepiscopi, 1547 episcopi, 13 abbates nullius, 13 praelati nullius,  
53 praefecti apostolici, 89 superiores generales.

Missa votiva pro Ecclesiae unitate, ritu romano, celebrata est ab  
exc.mo P. D. Ioanne Heenan, arch. Vestmonasteriensi. Chorus alum-  
norum Pontificii Seminarii Gallici in Urbe exsecuti sunt cantus: In-  
troitus: *Salvos fac nos*; Offertorium: Oratio Papae Gelasii; Communio:  
*Laetare Ierusalem* (ps. 121), *Sanctus* et *Agnus Dei* XVIII.



Post Missam, S. Evangelii codicem super paratum thronum statuit exc.mus P. D. Aloisius Rodriguez Pardo, ep. S. Crucis de Sierra, dum Patres cantant *Iesu dulcis memoria*.

Exc.mus P. D. Pericles Felici, arch. tit. Samosatensis, Ss. Concilii secretarius generalis, intimavit *Exeant omnes* et proclamavit nomen moderatoris congregationis, em.mi P. D. card. Iulii Döpfner, arch. Monacensis et Frisingensis. Item monuit distributum iri numisma aureum; schema decreti de Oecumenismo; rescriptum pontificium de facultatibus datis supremis moderatoribus religionum clericalium iuris pontificii atque abbatibus praesidibus congregationum monasticarum; schema decreti *de ministerio et vita presbyterorum* (textus emendatus et relationes); schema constitutionis dogmaticae *de divina revelatione*. Dein indixit suffragationem circa quaesitum utrum placeret materiam de matrimonio cum Patrum animadversionibus, post discussionem, ad Summum Pontificem deferri, ut ipse, per organa competentia, provideret.

Ipse legit exitum suffragationum quae pridie peractae erant super schema *de educatione christiana*: secundae, praesentes votantes 1906, *placet* 1465, *non placet* 159, *placet iuxta modum* 280, vota nulla 2; tertiae, praesentes votantes 1891, *placet* 1592, *non placet* 155, *placet iuxta modum* 141, vota nulla 3; quartae, praesentes votantes 1873, *placet* 1588, *non placet* 173, *placet iuxta modum* 110, vota nulla 2.

Tandem illustravit ordinem agendi in illa congregatione et legit nomina eorum, qui loqui postulaverant circa schema *de matrimonii sacramento*.

Tunc em.mus P. D. card. Eugenius Tisserant, primus e consilio praesidentiae, rationes illustravit ob quas suffragatio super declarationem *de libertate religiosa* in illa sessione fieri non posset.

Postea secretarius generalis indixit primam suffragationem super expansionem modorum circa schema decreti *de Ecclesiis orientalibus*.

Durante oratione em.mi P. D. card. Ernesti Ruffini, arch. Panormitani, circa schema *de matrimonii sacramento*, secretarius generalis indixit secundam suffragationem super modos *de Ecclesiis orientalibus*.

Deinde locuti sunt *de matrimonii sacramento* em.mi PP. DD. cardd. Ioseph Bueno y Monreal, arch. Hispalensis, et Iulius Döpfner, arch. Monacensis et Frisingensis; atque secretarius generalis indixit suffragationem super integrum schema *de Oecumenismo*.

Prosecuta est disceptatio *de matrimonii sacramento* et locuti sunt em.mus P. D. Ioseph Ritter, arch. S. Ludovici; exc.mi PP. DD. Ioannes Fearn, ep. tit. Geraensis, aux. Neo-Eboracensis, et Ioannes Ioseph Krol, arch. Philadelphiensis Latinorum.



Secretarius generalis communicavit exitum suffragationum super expansionem modorum *de Ecclesiis orientalibus*: primae, praesentes votantes 2129, *placet* 1841, *non placet* 283, *placet iuxta modum* (votum nullum) 1, vota nulla 4; secundae, praesentes votantes 2115, *placet* 1923, *non placet* 188, vota nulla 4.

Ipse indixit suffragationem super illud integrum schema atque communicavit exitum suffragationis super integrum schema *de Oecumenismo*: praesentes votantes 2129, *placet* 2054, *non placet* 64, *placet iuxta modum* (vota nulla) 6, vota nulla 5.

Dein em.mus P. D. card. Augustinus Bea legit relationem circa schema emendatum *de Ecclesiae habitudine erga religiones non christianas* atque secretarius generalis indixit primam suffragationem super illud schema.

Post orationem exc.mi P. D. Alexandri Renard, ep. Versaliensis, *de matrimonii sacramento*, secretarius generalis proclamavit exitum suffragationis super integrum schema *de Ecclesiis orientalibus*: praesentes votantes 2104; *placet* 1964, *non placet* 135, *placet iuxta modum* (votum nullum) 1, vota nulla 4; atque indixit secundam suffragationem super schema *de Ecclesiae habitudine ad religiones non christianas*.

Tunc *de matrimonii sacramento* locuti sunt exc.mi PP. DD. Franciscus Charrière, ep. Lausannensis, Genevensis et Friburgensis, Paulus Yoshigoro Taguchi, ep. Osakensis, Ioannes Carmelus Heenan, arch. Vestmonasteriensis, Petrus Moors, ep. Ruremondensis.

Secretarius generalis communicavit exitum suffragationum circa schema *de habitudine Ecclesiae ad religiones non christianas*: primae, praesentes votantes 1987, *placet* 1838, *non placet* 136, *placet iuxta modum* (vota nulla) 4, vota nulla 9; secundae, praesentes votantes 1969, *placet* 1770, *non placet* 185, *placet iuxta modum* (vota nulla) 7, vota nulla 7; atque indixit suffragationem super integrum textum *de habitudine Ecclesiae ad religiones non christianas*.

Tandem *de matrimonii sacramento* locuti sunt exc.mi PP. DD. Vilelmus Conway, arch. Armachanus, et Hadrianus Djajasepoetra, arch. Djakartanus.

Patribus consentientibus, finita est disceptatio circa schema *de matrimonii sacramento* et secretarius generalis quaesitum legit utrum placeret votum *de matrimonii sacramento* ad Summum Pontificem remitti.

Item legit epistolam quorundam Patrum, qui non potuerant Concilio interesse, atque communicavit exitum suffragationis super integrum schema *de habitudine Ecclesiae ad religiones non christianas*: praesentes votantes 1996, *placet* 1651, *non placet* 99, *placet iuxta modum* 242, vota nulla 4.



Insuper monuit animadversiones scriptas circa schemata *de divina revelatione, de ministerio et vita presbyterorum, de libertate religiosa*, mitti posse usque ad diem 31 ianuarii 1965.

Tandem illustravit ordinem agendi in sessione publica atque communicavit exitum suffragationis circa votum *de matrimonii sacramento*: praesentes votantes 2024, *placet* 1592, *non placet* 427, *placet iuxta modum* (vota nulla) 2, vota nulla 3.

Reposito S. Evangelii codice, em.mus P. D. card. Eugenius Tisserant preces *Agimus... Angelus...* recitavit. Congregatio finita est hora 12,51.